

无量度人上品妙經旁通圖卷下

大清儒學等天師賜紫道士劉元通編次

誦二章正經訣

凡過誦經之日於淨室中東向設經案坐具次入室背席面東三禮禮畢退身面北就席坐系定即漸漸左轉面東平坐呪曰

寂寂至无宗虛峙劫刃阿豁落洞玄文誰測此幽遐一人大乘路孰計年劫多不生亦不滅欲生因蓮花超凌三界途慈心解世羅真人无上德世世為仙家

呪畢即接手於膝上叩齒三十二通閉目存三十二天中各見一帝君思念一天名心拜一天帝從皇曾天為始隨日而轉周四方漸漸向上至賈奕天總三十二拜形雖不動隨心屈伏拜畢即思身在青黃白三色雲炁之中須臾滿室鬱鬱鬱鬱左有青龍右有白虎前有朱雀後有玄武獅子二八在前兩行相望而坐白鶴之數亦同又在獅子之外日在前月在後明耀室內項生九色圓象照徹諸天更覽所存森然在目默呪曰

无上玄元太上道君召出臣身中三五功

曹左右官使者侍香玉童傳言玉女五帝

直符直日香官各三十二人關啓所言所

者謂天地日月星宿國主神吏相先自身

死民所祈之事呪至關啓字下當稱之也

今日吉慶長齋清堂修行至經无量度人

臣及甲乙甲乙當稱所願同上即轉經受云且及某人或某事生願所啓上徹逕御无上三十二天元始


上帝至尊几前

呪畢徐徐於三十二天之中一天引炁一口

咽之依前法止則閉目誦二章誦經畢南向

下席再禮而退愚以陳景元裝合張萬福訣定此章大藥如此明室內之事不必西南燈戶也

靜室圖



誦內音訣

誦東方六十四字自聖妻阿耨至四象呀頁

平坐叩齒九通思九色之龍導引前後青雲

九重覆巾身形默呪曰

赤明開圖八炁迴真總統玄門青帝大神

流化九外纏綿我身靈音八書六十四篇

洞明天地與我合仙運致龍駕上升帝轉

早引炁九咽誦之

誦南方六十四字自南閻洞洋至神耀白官

平坐叩齒三通思朱鳳翔翔其前絳雲三重

覆巾身形默呪曰

三炁徘徊靈鳳來飛至音八字爛煥紫微

吉日大慶我道洞開朱丹哺飽仰吸靈暉

身生水大絳帔羽衣登空玄步足踐鳳梯

周旋八天七祖相隨早引氣三咽誦之

誦西方六十四字自刀利釋散至柏空度仙

平坐叩齒七通思白虎獅子衛護前後素雲

七重覆巾身形默呪曰

七炁金靈八天尊神白虎策策獅子捧棘

七炁纏綿鍊我成仙身登金光映照素雲

內外變化升入洞門七祖出夜九幽旋魂
德劫開度隨運長存舉引亦明誦之

誦北方六十四字自復元自育至出寂度人

平坐叩齒五通思飛龍玄武羽蓋翳神童

玉女羽衣飛裳黑雲五重覆巾身形默呪曰

玄天徘徊流景上清大有啓運八字高明

飛玄憑空洞陰自生五炁纏綿灌我身形

冠帶北單受鍊洞靈賢府北出內外光精

飛行三界遊宴紫庭七祖同福歡樂劫齡

七寶林中返胎更生長夜出離南宮記名

黃籙白簡世生仙舉引亦五明誦之

誦二章正經驗

正月長齋誦詠是經為上世亡魂斷地連役

度上南宮七月長齋誦詠是經身得神仙諸

天書名黃籙白簡削死上生十月長齋誦詠

是經為

國王帝主君臣父子安鎮國祚保天長存世

世不絕長為人君安鎮其方民稱太平八節

之日誦詠是經得為九宮真人本命之日誦

詠是經魂神澄正萬炁長存不經苦惱身有

光明三界侍衛五帝司迎萬神朝禮名書上

天功滿德就飛升上清誦之十遍諸天記功

誦之百遍名度南宮誦之千遍魔王保迎誦

之萬遍道既備矣飛升太空

若能遇斯辰依訣持誦上消天災保鎮

帝王下穰毒害以度兆民中被祖先已身得

道可謂巍巍大梵獨步玉京者矣

誦內音驗

東方大梵之音誦之九年八天各以青腰玉

女青華玉童各八人侍衛身形降致青牙之

精身生光明徹見虛無萬遍道成飛行上清

七祖同福晉升南宮也

南方大梵之音誦之三年八天各以太丹玉

女太陽玉童各八人侍衛身形降致朱丹三

炁之精返白留容萬劫不傾七祖超升上入

福堂返胎仙家即得更生也

西方大梵之音誦之七年八天各以素靈玉

童八人侍衛身形降致太素七炁之精停年

留觀萬劫重顏慶及七祖升度南宮返胎更

生世世神仙

北方大梵之音誦之五年八天各以太元玉

童八人侍衛身形降致元滋五炁之精選年

留景保命三清福及九玄世世飛升

四方內音若能依訣持誦无所不辟无所不

穰无所不度无所不成飛天下觀上帝運唱

萬神朝禮三界侍軒振伏群靈肅清十方道

備功成臣事三境矣愚以張萬福說定此章

明寶經絨藏降世

天尊於始青天中敷說此經以授道君又於

太丹天中賜大梵之音道君序成之後上天

為寶秘於玄都玉京紫微上宮絨藏至重非

聖不傳後西王母上請於天帝降保甲申之

災以付修真之士因此遂流於人間此經並

是諸天上帝及至靈魔王隱秘歌音內說天

地劫運萬神名諱交會陰陽元炁生化其義

不可得而盡通其理不可得而盡解得悟道

者自能洞明上天四萬劫一傳人問四十年

一授輕泄漏慢殃及九祖長役幽陰可不慎

歟可不慎歟愚以李少微說定此章

明內音所因

105 1 4 4-3

天尊於赤明世界栢陵含座是時雲霧鬱勃十二

三日三夜冥陰不解五老上帝上奏天尊曰

今日侍座所未曾見天尊敷教則致山海靜

默天地肅清今日日陰暝天人惶懼臣等有

疑不審何故天尊告曰今日諸天發瑞靈應

自然玉宇煥爛障蔽天光咸令四座瞑目以

俟俄頃天蒸頌落冥暗豁消五色光明洞照

十方各有靈書字方一丈現於空虛之中文

彩煥赫八角垂芒精光晃目不可得看天尊

普告眾靈曰此靈書八會字无正形其趣宛

與爾等難可尋詳乃命天真皇人註書其字

解釋其音以賜道君總二百五十六字道君

撰次成文是謂大因序而附二章之後皇人

者嘗於黃帝時下降城嶺山授帝以三一五

牙之法復升於天也是以內音經合列仙傳

定此章

引證

太上玉京山經 靈寶赤書五篇真文經

九天生神章經 太上開天龍蹻經

空洞靈章經 諸天内音自然玉字經

青童內文經四 真一勸戒法輪妙經十二

太上三元品戒經 天寶金鑑靈樞經

太真科 司馬遷史記天官書

消災懺 劉向列仙傳

杜光庭混元圖 北斗聖位傍通圖

張宋臣列宿圖 舒稟尚書治要圖

陳景元善天聖位圖李思聰洞淵集

張萬福靈寶經訣 重修靈寶經訣

嚴東靈寶經註 薛幽梅靈寶經註

李少微靈寶經註 成玄英度人經疏

陳景元寶珠妙義

无量度人上品妙經旁通圖卷下終

二圖同卷

修真太極混元圖

修真太極混元指玄圖

詞五

修真太極混元圖序

夫金丹者上聖不傳之秘實大道之源包羅天地其大無外其小無內運行莫測立天立地與人同焉非聖人之不傳而閉塞仙路乎乃世人之澆漓人物蔑劣而緣生分淺安可傳乎經云以四萬劫一傳非上天之所惜在得人而傳蓋不容輕泄上至三清中至上聖下及群仙皆因煉金丹而至聖也豈不秘乎予謂宿緣流慶叨荷師資非為用心而致斯也昔年已宿志不回適遊諸方參傳至道遂遇先師憫余勤苦遂將金火返還一圭符火之秘授予不勝喜悅遂歸試鍊則一息之間龍虎爭聞而迨軒轅撼崑崙過扶桑神哉堪笑今之學徒不悟大道之源止求空寂認爲了達雖能入定出神奈何精神屬陰宅舍難